

REGLUR

um tilkynningar Fjármálaeftirlitsins um skráningu rekstraraðila evrópskra áhættufjármagnssjóða (EuVECA).

1. gr.

Gildissvið.

Reglur þessar gilda um tilkynningar Fjármálaeftirlitsins skv. 1. mgr. 16. gr. reglugerðar (ESB) nr. 345/2013 um evrópska áhættufjármagnssjóði (EuVECA), sbr. lög nr. 31/2022 um evrópska áhættufjármagnssjóði og evrópska félagslega framtakssjóði.

2. gr.

Form tilkynninga Fjármálaeftirlitsins.

Samkvæmt 1. mgr. 16. gr. reglugerðar (ESB) nr. 345/2013 er þess krafist af lögbærum yfirvöldum í heimaaðildarríkjum EuVECA að þau tilkynni gístiaðildarríkjum og Evrópsku verðbréfa-markaðseftirlitsstofnuninni (ESMA) um atvik sem tengjast vegabréfum rekstraraðila EuVECA. Samkvæmt 3. mgr. 21. gr. sömu reglugerðar tekur tilkynningarskyldan jafnframt til þess er rekstraraðilar EuVECA eru teknir af skránni. Reglur þessar eru settar til að innleiða tæknilega framkvæmdastaðla sem mæla fyrir um form slíkra tilkynninga og Fjármálaeftirlitinu ber að taka mið af.

3. gr.

Innleiðing reglugerðar (ESB).

Með reglum þessum öðlast gildi hér á landi framkvæmdarreglugerð framkvæmdastjórnarinnar (ESB) nr. 593/2014 frá 3. júní 2014, um tæknilega framkvæmdastaðla að því er varðar form tilkynninga samkvæmt 1. mgr. 16. gr. reglugerðar Evrópuþingsins og ráðsins (ESB) nr. 345/2013 um evrópska áhættufjármagnssjóði, sem tekin var upp í EES-samninginn með ákvörðun sameiginlegu EES-nefndarinnar nr. 64/2018 frá 23. mars 2018, bls. 51. Reglugerðin er birt í EES-viðbæti við Stjórnartíðindi Evrópusambandsins nr. 26 frá 23. apríl 2020, bls. 39-41.

4. gr.

Gildistaka.

Reglur þessar, sem settar eru með heimild í 3. tölul. 3. mgr. 16. gr. laga nr. 31/2022, um evrópska áhættufjármagnssjóði og evrópska félagslega framtakssjóði, öðlast gildi 1. júlí 2022.

Seðlabanka Íslands, 27. júní 2022.

Ásgeir Jónsson
seðlabankastjóri.

Björk Sigurgísladóttir
framkvæmdastjóri.